



An Bhruiséil, 7 Márta 2024
(OR. en)

Comhad Idirinstitiúideach:
2024/0052(NLE)

7451/24
ADD 4

AELE 17
EEE 11
ISL 10
N 18
FL 12
PECHE 99

TOGRA

ó:	Ardrúnaí an Choimisiúin Eorpaigh, arna s(h)íniú ag Martine DEPREZ, Stiúrthóir
dáta a fuarthas:	4 Márta 2024
chuig:	Thérèse BLANCHET, Ardrúnaí Chomhairle an Aontais Eorpaigh
Uimh. an doic. ón gCoim.:	COM(2024) 97 final IARSCRÍBHINN 4
Ábhar:	Iarscríbhinn 4 a ghabhann le Togra le haghaidh CINNEADH ÓN gCOMHAIRLE maidir le tabhairt i gcrích, thar ceann an Aontais Eorpaigh, an Chomhaontaithe idir an tAontas Eorpach, an Íoslainn, Prionsacht Lichtinstéin agus Ríocht na hIorua maidir le Sásra Airgeadais LEE le haghaidh na tréimhse Bealtaine 2021 - Aibreán 2028, an Comhaontú idir Ríocht na hIorua agus an tAontas Eorpach maidir le Sásra Airgeadais na hIorua le haghaidh na tréimhse Bealtaine 2021 - Aibreán 2028, an Prótacal Breise a ghabhann leis an gComhaontú idir Comhphobal Eacnamaíochta na hEorpa agus Ríocht na hIorua agus an Prótacal Breise a ghabhann leis an gComhaontú idir Comhphobal Eacnamaíochta na hEorpa agus an Íoslainn

Gheobhaidh na toscaireachtaí i gceangal leis seo doiciméad COM(2024) 97 final IARSCRÍBHINN 4.

Faoi iamh: COM(2024) 97 final IARSCRÍBHINN 4



AN COIMISIÚN
EORPACH

An Bhruiséil, 4.3.2024
COM(2024) 97 final

ANNEX 4

IARSCRÍBHINN

a ghabhann le

Togra le haghaidh

CINNEADH ÓN gCOMHAIRLE

maidir le tabhairt i gcrích, thar ceann an Aontais Eorpaigh, an Chomhaontaithe idir an tAontas Eorpach, an Íoslainn, Prionsacht Lichtinstéin agus Ríocht na hIorua maidir le Sásra Airgeadais LEE le haghaidh na tréimhse Bealtaine 2021 - Aibreán 2028, an Comhaontú idir Ríocht na hIorua agus an tAontas Eorpach maidir le Sásra Airgeadais na hIorua le haghaidh na tréimhse Bealtaine 2021 - Aibreán 2028, an Prótacal Breise a ghabhann leis an gComhaontú idir Comhphobal Eacnamaíochta na hEorpa agus Ríocht na hIorua agus an Prótacal Breise a ghabhann leis an gComhaontú idir Comhphobal Eacnamaíochta na hEorpa agus an Íoslainn

CEANGALTÁN IV

**PRÓTACAL BREISE A GHABHANN LEIS AN gCOMHAONTÚ IDIR
COMHPHOBAL EACNAMAÍOCHTA NA hEORPA AGUS RÍOCHT NA hIORUA**

TÁ AN tAONTAS EORPACH

agus

RÍOCHT NA hIORUA

AG FÉACHAINT don Chomhaontú idir Comhphobal Eacnamaíochta na hEorpa agus Ríocht na hIorua a síníodh an 14 Bealtaine 1973, dá ngairtear an ‘Comhaontú’ anseo feasta, agus do na socruithe atá ann le haghaidh trádála in iasc agus i dtáirgí iascaigh idir an Iorua agus an Comhphobal,

Ag FÉACHAINT don Phrótacal Breise a ghabhann leis an gComhaontú idir Comhphobal Eacnamaíochta na hEorpa agus Ríocht na hIorua maidir le forálacha speisialta is infheidhme le haghaidh na tréimhse 2014-2021 maidir le hallmhairiú éisc agus táirgí iascaigh áirithe isteach san Aontas, agus go háirithe Airteagal 1 de,

TAR ÉIS A CHINNEADH AN PRÓTACAL SEO A THABHAIRT I gCRÍCH:

AIRTEAGAL 1

1. Leagtar síos sa Phrótacal seo agus san Iarscríbhinn a ghabhann leis na forálacha speisialta is infheidhme maidir le hallmhairiú éisc agus táirgí iascaigh áirithe de thionscnamh na hIorua isteach san Aontas Eorpach.
2. Leagtar amach na taraif- chuótaí bliantúla saor ó dhleacht san Iarscríbhinn a ghabhann leis an bPrótacal seo. Cumhdóidh na cuótaí sin an tréimhse ón 1 Bealtaine 2021 go dtí an 30 Aibreán 2028. Déanfar athbhreithniú ar leibhéil na gcuótaí faoi dheireadh na tréimhse agus na leasanna ábhartha uile á gcur san áireamh.

AIRTEAGAL 2

1. Cuirfear tús leis na taraif- chuótaí an lá a bheidh éifeacht le cur i bhfeidhm sealadach an Phrótacail seo, de réir na nósanna imeachta a leagtar síos i mír 3 d'Airteagal 5.
2. Beidh an chéad taraif- chuóta ar fáil ó dháta chur i bhfeidhm sealadach an Phrótacail seo go dtí an 30 Aibreán 2024. Ón 1 Bealtaine 2024 ar aghaidh, leithdháilfear taraif- chuótaí ina dhiaidh sin go bliantúil ón 1 Bealtaine go dtí an 30 Aibreán go dtí deireadh na tréimhse dá dtagraítear in Airteagal 1 den Phrótacal seo.
3. Maidir le méideanna na dtaraif- chuótaí lena gcumhdaítear an tréimhse ón 1 Bealtaine 2021 go dtí go gcuirfear an Prótacal seo i bhfeidhm go sealadach, déanfar iad a leithdháileadh go comhréireach agus a chur ar fáil don chuid eile den tréimhse dá dtagraítear in Airteagal 1 den Phrótacal seo.
4. I gcás nach n- ídeofar na taraif- chuótaí dá dtagraítear in Airteagal 1 le linn na tréimhse dá dtagraítear in Airteagal 1, agus i gcás nach gcuirfear i bhfeidhm go sealadach prótacal ina dhiaidh sin lena leagtar síos taraif- chuótaí saor ó dhleacht le haghaidh na dtáirgí céanna, féadfar allmhairí ón Iorua a dhéanamh le haghaidh an mhéid cuótaí comhiomlánaithe atá fágtha de na taraif- chuótaí sin go ceann suas le 2 bhliain tar éis dheireadh na tréimhse dá dtagraítear in Airteagal 1, ach ní féidir é a dhéanamh níos faide ná cur i bhfeidhm sealadach prótacail ina dhiaidh sin lena leagtar síos taraif- chuótaí saor ó dhleacht i gcás na dtáirgí céanna.

AIRTEAGAL 3

1. Déanfaidh an Iorua na bearta is gá chun a áirithiú go leanfar den socrú lena gceadaítear saor- idirthuras éisc agus táirgí iascaigh a thugtar i dtír san Iorua ó shoithí a bhfuil bratach Ballstáit den Aontas Eorpach ar foluain acu.
2. Beidh feidhm ag an socrú ar feadh suas le 2 bhliain tar éis dheireadh na tréimhse dá dtagraítear in Airteagal 1, ach ní bheidh sé níos faide ná cur i bhfeidhm sealadach prótacail ina dhiaidh sin.

AIRTEAGAL 4

Is iad na rialacha tionscnaimh is infheidhme maidir leis na taraif- chuótaí atá liostaithe san Iarscríbhinn a ghabhann leis an bPrótacal seo na rialacha a leagtar amach i bPrótacal 3 a ghabhann leis an gComhaontú idir Comhphobal Eacnamaíochta na hEorpa agus Ríocht na hIorua a síníodh an 14 Bealtaine 1973.

AIRTEAGAL 5

1. Déanfaidh na Páirtithe an Prótacal seo a dhaingniú nó a fhormheas i gcomhréir lena nósanna imeachta féin. Taiscfear na hionstraimí daingniúcháin nó formheasa le hArdrúnaíocht Chomhairle an Aontais Eorpaigh.
2. Tiocfaidh sé i bhfeidhm ar an gcéad lá den dara mí tar éis an ionstraim daingniúcháin nó formheasa deiridh a thaisceadh.
3. Go dtí go gcríochnófar na nósanna imeachta dá dtagraítear i míreanna 1 agus 2 den Airteagal seo, cuirfear an Prótacal seo i bhfeidhm ar bhonn sealadach ón gcéad lá den tríú mí tar éis thaisceadh an fhógra dheireanaigh chuige sin.

AIRTEAGAL 6

Dréachtaíodh an Prótacal seo i scríbhinn bhunaidh amháin sa Bhulgáiris, sa Chróitis, sa tSeicis, sa Danmhairgis, san Ollainnis, sa Bhéarla, san Eastóinis, san Fhionlainnis, sa Fhraincis, sa Ghearmáinis, sa Ghréigis, san Ungáiris, san Iodáilis, sa Ghaeilge, sa Laitvis, sa Liotuáinis, sa Mháltais, sa Pholainnis, sa Phortaingéilis, sa Rómáinis, sa tSlóvaicis, sa tSlóivéinis, sa Spáinnis, sa tSualainnis agus san Ioruais, agus na téacsanna i ngach ceann de na teangacha sin den bharántúlacht chéanna, taiscfear é le hArdrúnaíocht Chomhairle an Aontais Eorpaigh agus cuirfidh sí cóip dhílis dheimhnithe chuig gach ceann de na Páirtithe.

Arna dhéanamh sa Bhruiséil, an.... 2024.

Thar ceann an Aontais Eorpaigh

Thar ceann Ríocht na hIorua

IARSCRÍBHINN

FORÁLACHA SPEISIALTA DÁ dTAGRAÍTEAR IN AIRTEAGAL 1 DEN PHRÓTACAL

De bhreis ar na taraif- chuótaí buana saor ó dhleacht atá ann cheana, osclóidh an tAontas Eorpach na taraif- chuótaí bliantúla saor ó dhleacht seo a leanas le haghaidh táirgí de thionscnamh na hIorua:

Cód AC	Tuairisc ar tháirgí	Méid bliantúil an taraif- chuóta (1.5- 30.4) ina ghlanmheáchan mura sonraítear a mhalairt ¹
0303 51 00	Scadáin reoite ‘clupea harengus, clupea pallasii’ ²	25 000 tona
0303 55 90	Bolmáin reoite ‘trachurus spp.’ (seachas bolmán an atlantaigh agus bolmán sileach)	5 000 tona
0303 59 90	Ronnaigh indiacha reoite ‘rastrelliger spp.’, ronnaigh ‘Scomberomorus spp.’, bolmáin crevalle ‘caranx spp.’, poimfréid airgid ‘pampus spp.’, preabaire an tAigéan Ciúin ‘cololabis saira’, gabhair ‘decapterus spp.’, caibealláin ‘mallotus villosus’, boiníotónna ‘sarda spp.’, mairliní, colgáin na ndéalga agus gaithéisc ‘istiophoridae’	
0303 69 90	Éisc reoite de na finte bregmacerotidae, eulichthyidae, gadidae, macrouridae, melanonidae, merlucciidae, moridae agus muraenolepididae (seachas troisc, cadóga, glasáin, colmóirí agus mangaigh alascacha, faoitíní gorma, boreogadus saida, faoitíní, mangaigh, gránadóirí gorma agus langaí)	
0303 82 00	Roic reoite ‘rajidae’	
0303 89 90	Éisc reoite, nach bhfuil sonraithe aon áit eile.	
0304 86 00	Filléid reoite scadán ‘clupea harengus, clupea pallasii’	65 000 tona
0304 99 23	Flapaí reoite agus feoil ‘bídís mionaithe nó ná bíodh’ scadán ‘clupea harengus, clupea pallasii’	
ex 0304 49 90	Filléid úra nó fhuaraithe scadán	
0304 59 50	Flapaí úra nó fuaraithe scadán	

¹ Cuirfear cainníochtaí leis i gcomhréir le hAirteagal 2 mír 3 den Phrótacal seo.

² Ní dheonófar tairbhe an taraife- chuóta d’earraí arna ndearbhú lena scaoileadh i saorchúrsaíocht le linn na tréimhse ón 15 Feabhra go dtí an 15 Meitheamh.

Cód AC	Tuairisc ar tháirgí	Méid bliantúil an taraif- chuóta (1.5- 30.4) ina ghlanmheáchan mura sonraítear a mhalairt ¹
0309 10 00	Plúir, min agus millíní éisc, atá oiriúnach lena gcaitheamh ag an duine	1 000 tona
1604 12 91 1604 12 99	Scadáin, spíosraithe agus/nó finéagarleasaithe, faoi sháile	28 000 tona glanmheáchan draenáilte
1605 21 10 1605 21 90 1605 29 00	Séaclaí agus cloicheáin, scafa agus reoite, ullmhaithe nó leasaithe	7 000 tona
1604 11 00	Bradán ullmhaithe nó leasaithe, iomlán nó i bpíosáí, ach gan a bheith mionaithe	1 250 tona
0305 41 00	Bradán deataithe, lena n- áirítear filléid éisc, seachas scairteach feola inite	2 500 tona
0306 16 99 0306 17 93	Séaclaí reoite Pandalidae	1 000 tona
0302 19 00 0302 22 00 0302 43 90 0302 59 20 0302 59 30 0302 81 15 0302 89 31 0302 91 00 0302 99 00	Iasc úr nó fuaraithe	5 100 tona
0303 19 00 0303 53 90 0303 89 31 0303 89 39 0303 91 90 0303 99 00	Éisc reoite	6 850 tona

Cód AC	Tuairisc ar tháirgí	Méid bliantúil an taraif- chuóta (1.5- 30.4) ina ghlanmheáchan mura sonraítear a mhalairt ¹
0304 52 00 0304 73 00 0304 99 21 0304 99 99	Filléid éisc úra, fhuaraithe nó reoite	3 600 tona